

歷代內侍考

歷代內侍考卷之八

冠集

唐

劉貞亮 吐突承璀

劉貞亮本俱氏名文珍冒稱養宦父故改焉性忠彊識義理平涼之盟在澤瑊軍中會虜變被執且西俄而得歸出監宣武軍自置親兵千人貞元末宦人領兵附順者益眾會順宗立淹瘖弗能朝惟忠言牛美人侍美人以帝旨付忠言忠言授之王叔文叔文與柳宗元等裁定然後下中書然未得縱欲遂奪神策兵以自彊即用范希朝爲京西北禁軍都將收宦者權而忠言

素儒謹。每見叔文與論事，無敢異同。唯貞亮乃與之爭。又惡朋黨，嚴結，因與中人劉光琦、薛文珍、尚衍、解玉呂如金等同勸帝立廣陵王為太子監國。帝納其奏，貞亮召學士衛次公、鄭絪、李程、王涯至金鑾殿，草定制詔。太子已立，盡逐叔文黨，委政大臣。議者美其忠。高崇文討劉闢，復為監軍。初，東川節度使李康為闢所破，囚之。崇文至，開歸原，求雪貞亮，効以不拒賊斬之。故以專悍見嘗。遷累石衛大將軍。知內侍省事。元和八年卒，贈開府儀同三司、憲宗之立，貞亮為有功。然終身無所寵假。呂如金歷內侍省，內常侍翰林使，坐擅取樟材治第，送京都獄。至閔卿自

殺入郭是醉弱夜禁杖殺之五坊朱超晏王志忠縱鷹隼入民
家榜二百奪職由是莫不懼畏

吐突承璀字仁貞閩人也以黃門直東宮為掖廷局博士察察
有才遷宗立擢累左監門將軍左神策護軍中尉左衛功德使
封荊國公王承宗叛承璀揣帝銳征討因請行帝見其果敢自
喜謂可任即詔承璀為行營招討處置使以左右神策及河中
河南府而宣歙兵從之內寺僧宗惟澄曾進玉為館驛使自河
南陝河陽惟澄主之京華河中至太原進王主之又詔內常侍
劉國珍馬朝江分領易定幽滄等州糧料使於是諫官李廌許

孟容李元素李夷簡呂元膺穆質孟簡獨孤郁敗平仲白居易等衆對定策謂古無中人位大帥恐為四方笑帝乃更為詔討宣慰使為御通化門慰其行承璀御衆無它遠畧為慮從天德狎踰年無功贖中詔摘使執從史而問遣人說承宗上書待罪乃詔班師還為中尉平仲劾承璀輕謀弊賦損國威不斬首無以謝天下帝不獲已罷為軍器莊宅使尋拜左衛上將軍知內侍省會劉希光誦羽林大將軍孫璿錢二十萬緡求方鎮有詔賜死跡繼承璀故令出監淮南軍緡人太子通事舍人李涉投函言承璀等冤狀於是孔戣知函事閱其副不受即表其姦遂

為岷州司倉參軍然帝於承璫殊厚會李絳在翰林苦論其過
故決遣之帝後欲還承璫為罷絳宰相召為內弓箭庫使復在
神策中尉惠昭太子薨承璫請立禮王不從帝飾一室藏所賜
詔教地生毛二尺惡之躬冀除瘞之踰年帝崩穆宗銜前議殺
之禁中敬宗時左神策中尉馬存亮論其兇詔許子士晦收葬
宣宗時擢士晦右神策中尉是時諸道歲進閹兒號私白閹額
最多後皆任事當時謂閹為中官區數咸通中杜宣猷為觀察
使每歲時遣吏致祭其先時號教使墓戶宣猷卒用群宦力徙
宣猷觀察使

論曰。憲宗之立。劉貞亮與有力焉。而終身無所寵假。似得馭
之之道矣。然吐突承璀。直以青宮舊侍。淫蒙恩顧。其討成德
也。罷以大帥親為愆遣。徵發半天下。以佐軍興。雖弊賦損威。
而弗忍深罪。尋且罷宰相。而輒還其故物焉。豈易所謂乎。
子。則者乎。嗚呼。忠如李絳。受主知如李絳。卒不能回英主之意。
而默一怙寵之閹。則格心難矣。

馬存亮

馬存亮字季明河中人元和時累擢左神策軍副使左監門衛將軍知內侍省事進左神策中尉軍所籍凡十餘萬存亮料衆尤精伍無罷士部無冗員敬宗初染署工張韶與卜者劉玄明善玄明曰我嘗為子卜子當御殿食我與焉吾聞上晝夜獵出入無度可圖也韶每輸染材入宮衛士不呵也乃陰結諸工百餘人匿兵車中若輸材者入右銀臺門約昏夜為變有詰其賊者韶謂謀覺殺其人出兵大呼成列活堂門閉時帝擊述清思殿驚將幸右神策或曰賊入宮不知衆寡道遠可虞不如入左

軍近且速從之。初帝常寵右軍中尉梁守謙每游幸兩軍角戲
帝多欲右勝而在軍以為望。至是存亮出迎捧帝走泣負而入
以五百騎往迎二太后比至而賊已斬關入清恩殿升御坐盛
衣與餘膳揖玄明偶食且曰如占玄明驚曰止此乎語惡之志
以寶器賜其衣攻弓箭庫伏士拒之不勝存亮遣左神策大將
軍康藝全將軍何大哲宗叔夜孟光亮右神策大將軍康志睦
將軍李泳尚國忠率騎兵討賊日暮射能及玄明皆死始賊入
中人倉卒繇望仙門出奔内外不知行在遲明盡捕亂黨左右
軍清宮車駕還羣臣詣延英門見天子然三者不十一二坐賊

所入閤不禁者數十人。狀而不誅。賜存亮度封戶二百。梁守諫
進開府儀同三司。乞論功賞。有亮存亮於一時功最高。乃推委
權勢。求監淮南軍。代還為內飛龍使。太和中。以右領軍衛上將
軍致仕。封岐國公。卒。贈揚州大都督。存亮達事德宗。更六朝。資
端畏善訓士。始去禁衛。眾皆泣。唐世中人以忠謹稱者。唯存亮
而門李玄。嚴遵美三人而已。遵美父李寔為拔廷局博士。大中
時有宮人譟。武宣宗是夜卒寔直咸寧門下。聞變入射殿之。明
日帝勞曰。非爾吾危不免。程北院副使。終內樞密使。遵美歷左
軍容使。嘗歎曰。北司供奉官以胥衫給事。今執笏過矣。樞密使

無憾事唯三樞舍藏書而已。今堂狀帖黃。此楊復恭等宰相權
之失也。蓋疾時中官肆橫云。後從昭宗還朝。求致仕。隱青城山。
年八十餘卒。

論曰。昭慈童蒙狎昵群小。時右軍陷。承龍遇。及倉卒天降。則
意所未屬之焉。存亮歷事累朝。精簡士伍。固非區區
怙貴者。乃功成不足謝。擢求出。寧守澄誣。請甲錫。虜受立行。
而固請公議。南司賢矣哉。獨為承璫稱枉。而永維一丘之貉。
耳。嚴遵美引分自安。絕類上矣。

昭慈敬宗號

仇士良

仇士良字匡美，涇州興寧人。順宗時，得侍東宮。憲宗嗣位，再遷內給事，出監平度、鳳翔等軍，掌次數水驛。與御史元稹爭，令上廳擊傷稹。中丞王播奏御史中丞以先該至，得正殿，請如舊章。帝不直稹，斥其官。元和太和間，數任內外五坊使，秋按鷹犬畿所至，邀吏供餉，暴甚。冠監文宗與李訓欲殺王守澄，以士良素與守澄隙，故擢左神策軍中尉兼左街功德使，使相厚肉已而訓謀悉逐中官。士良悟其謀，與右神策軍中尉魚弘志大盈庫使京守義扶帝還宮。王涯舒元異已，就縛士良，尋脅令自承。

反示牒於朝。於時莫能辯其情。皆謂賊反。士良因縱兵捕。無辜
重悉斃。兩軍公卿半空。事平。加特進右驍衛大將軍弘志。右衛
上將軍慕容守義。右領軍衛上將軍孚石。輔政。校校有風岸
士良與論議。歎屈深忌之。便賊刺石於說仁里。馬造而免。石懼
辭位。士良益無憚。澤潞劉從諫亦與訓。約誅鄭注。及訓死。憤士
良得志。乃上書言王涯等八人皆宿儒大臣。願保富貴。何苦而
反。今大戮所加。已不可追。而名曰逆賊。含憤九泉。不然。天下義
夫。鄴士畏禍。伏身誰肯與陛下共治邪。即以訓所移書遣部將
李卿以聞。李卿至。會石遇盜京師。獲疑不敢進。從諫大怒。殺李

卿騰書于朝。又言臣興訓誅法。以注本官。豈所提挈。不知聞知。今四方共得宰相。欲除內官。而內軍中尉聞。自救死。妄相殺戮。謂爲反逆。有如大臣。抵無將之誅。自置執付有司。安有縱停劫橫尸闕下哉。陛下視不以聽。未聞也。且宦人根黨。蔓延在內。臣歎面陳。恐橫遭戮害。謹脩封疆。繕甲兵。爲陛下腹心。如姦臣難制。誓以死清君側。書聞。人人傳觀。士良沮恐。即進從諫檢校司徒。欲弭其言。從諫知可動。復言。臣所陳繫國大體。可聽則宜先宥。淫等罪。不可聽。則賞不宜妄出。安有死免不申。而生者荷祿。固辭累上書。暴指士良等罪。帝雖不能去。然倚其言。亮自驕。自

是讎讐不樂兩軍遇獵宴會絕矣開成四年苦風痺少間召宰相見廷英退坐思政殿顧左右曰所直學士謂誰曰周墀也召呈帝曰自爾所況朕何如主墀再拜曰臣不足以知然天下言陛下是舜主也帝曰所以問謂與周赧獻孰愈墀惶駭曰陛下之德成康文景示足比何自方二主哉帝曰赧獻受制弱臣今朕受制家奴自以不及遠矣因泣下墀伏地流涕後不復朝至大漸云始樞密使劉弘逸薛平稜宰相李珣楊嗣復謀奉太子監國士良與弘志議更立珣不從乃矯詔立潁王為皇太弟士良以兵奉迎而太子還為陳王初莊恪太子薨楊貴妃謀立

安王不克武宗已立士良發其事勸帝除之以絕人言故王妃
皆死士良遷驃騎大將軍封楚國公弘志韓國公是封戶三百
俄而王嗣復罷去弘逸李族誅矣帝每防雖士良有援立功內
寔嫌之陽示尊寵李德裕得君士良愈恐會昌二年上尊號士
良宣言宰相作赦書減禁軍諒殺多赦以挫怨語兩軍曰帝有
是樓前可爭德裕以白帝命使者諭神策軍曰赦令自朕意宰
相何敢爾渠欲是士乃帖然士良惶惑不自安明年進觀軍容
使急就左右軍以疾辭罷爲內侍監知省事同請老詔可尋卒
贈楊州大都督士良之老中人舉送還第詔曰諸君善事天子

能聽老夫語乎。眾唯唯。士良曰：「天子不可令閑暇，暇必觀書。見儒臣則又訥諫，智深慮遠，咸就奸省游幸，吾局恩且薄，而權輕矣。為諸君計，莫若殖財貨，盛鷹馬，日以迷獵，辱色，盡其心，極其靡佚，忙不知息，則必斥經營，閑外事，為機在我，恩澤權力，欲為往哉。」眾再拜。士良設二王一妃四宰相，會詰二十餘年，亦有衍旬，將恩禮不衰云。死之明年，有發其家藏兵數千，詔削官爵，籍其家。始士良弘志憤文宗與李訓謀，屢欲廢帝，崔慎由為翰林學士，直夜未半，有中使召入，至秘殿，見士良等坐堂上，惟張周密謂慎由曰：「上不豫已久，自即位，政令多荒闕。」皇太后有制。

更立嗣君。學士當作詔。慎由驚曰。上高明之德在天下。安可輕議。慎由親族中表千人。兄弟群從且三百。何可與覆族事。雖死承命。士良等默然久。乃啟校戶。引至小殿。帝在焉。士良等應階。數帝過失。帝悅首。既良士良指帝曰。不為學士。不得更坐此。乃送慎由出。我曰。毋泄。禍及爾宗。慎由記其事。藏箱枕間。時人莫知。將沒。以授其子胤。故胤惡中官。終討除之。蓋禍原於士良弘志云。

論曰。自周公以無逸勗成王。而天子之不可閑暇也。法家拂士。顯龍言之。乃仇士良亦以是語其徒邪。然法家拂士。不欲

天子閑暇慰即於淫也而士良之不欲天子閑暇則慰其即
於理也故日以澤色狗馬離然誘而中之令其耽耽焉欲逐
而不能已而後乃可以得志陰哉士良是腹之蠱而苗之蠹
也何其敢於禍人國呈此哉雖然處之剝矣身將安託其後
唐祚尚未告終而內侍省已先喋血則其所以禍人國有亦
適足以自禍耳獨恨其貽禍於天下後世未歇也

蘇軾
詩心

楊復光 曾知慙

楊復光閩人也。本裔氏。有武力。少養於內常侍楊玄价家。頗以
鄧誼自奮。玄价奇之。宣宗時。玄价監鹽州軍。誣殺刺史劉舉。舉
有威名者。世訟其冤。稍遷左神策軍中尉。詣去宰相楊叔雅。罷
震時。復光有謀畧。累監諸鎮軍。乾符初。佐平盧鄧度。使曾元祐
擊賊王仙芝。敗之。招討使尔威擊仙芝於江西。復光在軍。請判
官吳彦宏約賊降。仙芝還將尚君長。自縛如約。威疾其功。召請
僖宗誅之。故仙芝怨復光。引兵叛。後天子陷威階。禍罷之。以兵興
復光乃進。禽徐唐莒王鐸。為招討。復光仍監軍。鐸之系荆南也。

山南東道鄧度使劉巨容定其地以忠武別將宗浩領荆南泰
寧將段彥謨佐之復光父嘗監忠武軍而浩已為大將見復光
少之不為禮彥謨亦耻居浩下遂有隙復光曰胡不殺之彥謨
引慄士擊殺浩復光以客常滋假留後而奏浩罪薦彥謨為朗
州刺史詔鄭紹業為荆南鄧度使以復光監忠武軍屯鄧州過
賊石衝帝西幸召紹業見行在復光更引彥謨為荆南鄧度使
彥謨論行邊詣復光以黃金數百兩為謝其後忠武同度受賊
命嘗夜宴召復光左右曰彼既附賊必不利公不如毋行復光
固往酒所語時事復光泣曰大夫所感獨恩與義耳彼不顧恩

義規利害。何大夫哉。公奮匹夫封侯。乃捐十八葉天子北面臣賊。何恩義利害昧昧邪。度流涕曰。吾刀不足。陽合而陰離之。故召公計。曰。持杯盟曰。有如酒。即遣子字宗斬賊。使子傳合。秦宗權據蔡州叛。度復光以忠武兵三千人見之。宗權即遣部將王淑持兵萬人從復光。定荆襄。師次鄧州。遣趙復光斬之。并其軍為八。以唐晏弘晉暉張造李師泰王建韓建等為之。將進攻南陽。賊將朱溫何勤逆戰。大敗。遂收鄧州。追北至橋。會母喪。班師。俄起為天下兵馬都監。總諸軍。與東面招討使王重榮并力。定關中。朱溫守同州。復光遣使錫諭溫。以所部降。方賊之疆。重榮

憂不知所出。謂復光曰：「臣賊邪？且負國拒戰邪？則兵寡奈何？」復
光曰：「李克用與我世共難，其為人奮不顧身，此數合未即至者，
由太原道不通耳。非忍禍者，若諭上意，彼宜必來。」重榮曰：「言白。」
王鐸以詔使至太原，克用兵乃出。京師平，以功加開府儀同三
司，同華制置使，封弘農郡公，賜號資忠。釋武，主國平難功臣。卒。
河中贈觀軍容使，諡曰忠肅。復光御下有恩，軍中聞其死皆慟
哭。而麾下多立功者，諸子為將帥數十人，守宗亦為忠義。鄴度使

中人曹知慙者，富家子，頗沈鷙，賊在長安，知慙以清濁二谷之

人倚山為屯，不屈賊陰教。士燮衣服言語，與賊顯者夜入長安，
攻賊營。賊大懼，帝問錫金紫，擢內常侍。閔帝將還，曰：「大言我且
塞眾大散，開下閔群臣可歸者，納之。」田令孜謂然，密令王衍瑜
以邠州兵度嵯峨山，襲殺其眾。

論曰：楊復光以大義責周茂，而涇酒為盟，曾知慙願沛山谷
間，乃能糾眾設奇，斯皆足以執賊之魄矣。惜哉，庇彖謨而修
宗浩之郤，復光于是乎不廣，而知慙族以失言，實為悲夫。

王守澄 劉克明

王守澄者史亡所載元和中監徐州軍召還方憲宗喜方士說
詔天下求其人宰相皇甫鎛在金吾將軍李道古等白見楊仁
書浮屠大通仁畫更姓名曰柳泌大通自言壽百五十歲有不
死藥並待詔翰林號入田元佐言有秘方能化凡礫為黃金詔
除號令與董景珍李元戰皆介泌大通薦于天子天子惑其說
泌以金石進帝餌之躁甚數暴怒恚責左右踵得罪禁中累息
帝自是不豫十五年罷元會群臣危恐會義成劉悟來朝賜對
麟德殿悟出曰上體平矣內外乃安是夜守澄與內常侍陳弘

志武帝於中和殿。緣所餌以暴崩。告天下。乃與梁守諫。韋元素等定冊立穆宗。俄知樞密事。文宗嗣位。守諫有助。力進拜驃騎大將軍。帝疾。元和。送罪久不討。故以京中錫為宰相。謀同事除之。不克。更因其黨鄭注。李誼。乘其驕。於是流楊承和於驪州。韋元素象州。遣中人劉忠諒。追殺元素於武昌。承和次公安。賜死。訓乃脅守諫。以軍容便就第。使內養齋。酖賜死。事秘。時無知者。贈揚州大都督。其弟守渭。自徐州監軍召還。死於中牟。劉克明亦亡。所來得幸。敬宗。敬宗善擊毬。於是陶元皓。靳遂良。趙士則。李公定。石定寬。以述工得見。便殿內。簪宣徽院。或教坊。

然皆神策隸卒。或里閭惡少年。帝與狎息殿中。為戲樂。四方聞之。爭以趨勇進。于帝嘗閱角觝三殿有。碎首斷臂。血流廷中。帝驩甚。厚賜之。夜分罷。所親近既皆出不還。又小過必責辱。自是怨望。帝夜艾。自捕狐狸為樂。謂之打夜狐。中人許遂振。李少端。魚志弘。侍從不及。皆削秩。帝獵夜還。與克明曰。務澄。許文端。石定寬。蘇佐明。王嘉謨。閻惟直等二十有八人。群飲既酣。帝更衣。燭忽滅。克明與佐明定寬。我帝更衣室。禱詔。召翰林學士路隋。作詔書。命降王領軍國事。明日下遺詔。降王即位。克明等恃功。將易置左右。自引支黨。顯兵柄。于時樞密使王守澄。楊承和。中

尉梁守謙、魏弘簡與宰相裴度共迎江王，發左右神策及六軍飛龍兵討之。克明投井死，出其尸戮之。務澄等皆斬首以徇。籍人家資，又殺其黨數十人。始克明謀逆，母禁不許，文宗立，嘉母忠，賜錢千緡，絹五百匹，給婢二人。

論曰：王守澄、劉克明等身負弑逆之法，在不赦。克明雖族隳受戮，而守澄据勢三朝，文宗色羞十載，僅得醜焉。而李訓、鄭注遂憫然自雄其力，謂中人之命可以談笑制之矣。妒功猜禍耳。露之變，非不幸也。雖然，女子小人近之不孫，遠之則怨。憲宗惑方士，敬宗好擊鞠，而左右親昵，動見摧辱，是操遠之之術。

馭近之之人。彼悻悻者。方逞不遜之心。以洩其不堪之怨。則將何所不至乎。以是知尼父之慮遠也。

劉承偁

穆宗時昭義監軍劉承偁侵鄧使劉悟擁舉軍誅怒執承偁為
亂帝問裴度何施而可度頓首謝曰臣藩臣不敢與大政敢辭
固問之對曰在承偁怙寵恣睢悟不能堪忍嘗以書自訴於臣
時中人趙弘亮在行營知狀旁不自平欲持悟書聞上陛下嘗
知之乎帝曰未知也悟誠惡承偁何不自以聞乎度曰上下懸
絕臣去天顏咫尺尚有未能自明者況千里羣辭悟豈自意能
回聖聽哉故不敢也帝默然曰為當奈何度曰必欲收忠義心
獨下片紙詔書數承偁罪令悟集將士斬之則藩鎮之臣爭感

奮頭為陛下死矣。帝遲回久之曰。承偁太后養子。更思其次。度曰。投荒可乎。曰可。乃流承偁而昭奉遂安。

論曰。唐以監軍驍亂者數矣。承偁恣睢。舉軍誹怒。雖曾載於實直言之。負責而業已戕小使。彼囚係焉。微裴晉公忠言悟主。則昭義不與河朔並定。而為四子故人主職在論相也。雖然。閻弘簡與元學士比。而梗晉公而師迄無成。河朔之患小禁聞之患大諒哉。弘簡魏弘簡也。元學士頴。

王宗賢 楊公慶

宣宗二子長郢王淮無寵幼愛王滋愛欲立之以非次故猶豫者久及寢疾宰相不得見以中尉王宗賢懷二心不可屬爲內侍王歸長等三人便擁立煚王於是三人相與計出宗賢監淮南軍宗賢受敕出左軍副元寶謂曰聖人不豫踰月矣中尉何不入一見聖人而遽遠出乎宗賢悟入至寢殿帝已崩衆首宮人環泣矣宗賢叱歸長等責以矯詔皆捧足乞命乃迎郢王立爲太子已即位取歸長等赦是爲懿宗帝初立內樞密請中書攝相杜悰出斜封書授之發視則宣宗大漸時宦官請益國

奉也。宣徽使楊公慶綽至曰：「時宰相無名者，當反法處之矣。」
拱拱手曰：「此非臣下所宜窺，封還之。」謂公慶曰：「上欲罪宰相，當
於延英面承旨，行何倉卒？」公慶出，謂兩樞密曰：「內外一亦上
新踐祚，當施德天下，何得遽責成宰相乎？若習以成性，中尉樞
密亦豈能自保事哉？」

論曰：宣宗子鄂王長立，長法也。顧弱於幼者，而收中尉懷二
心，夫二於幼，不忠於長子，況是儲大事，宰相不謀而內侍是
屬宣徽樞密，且乘是以撼相臣矣。謂宣宗為英主，其然哉！

田令孜

田令孜字仲則蜀人也。本陳氏。咸通時。歷小馬坊使。僖宗即位。擢令孜左神策軍中尉。是時西門匡範位右中尉。世號泉軍西軍。帝冲驟喜鬥。驚走馬。數幸六王宅。興慶池。與諸王鬥。驚一鵠。至五十萬錢。真內園小兒尤昵狎。以寵暴橫。始帝為王時。與令孜同卧起。至是以其知書能處事。又帝資狂昏。故政事一委之。呼為父。而荒酣無檢。發左藏。齊天諸庫金幣。賜伎子歌兒者。日鉅萬。國用耗盡。令孜語內園小兒尹希復王士成等。勸帝籍京師兩市。蕃旅華商賈貨。舉送內庫。使者監閤。福坊茶閤。有來訴。

者皆杖死京兆府令攷知帝不足憚則販鬻官爵除拜不待旨
假賜緋紫不以聞百度崩弛內外垢玩既所在盜起上下相掩
匿帝不及知是時賢人無在者惟佞鄙皆貪相與備員偷安喑
默而已左拾遺侯昌業不勝憤指言暨尹用權亂天下疏入賜
死內侍省宰相盧攜素事令攷每定白必阿色倡和初黃巢求
廣州願罷兵攜欲罷高駢使有功不聽賊因又易置關東諸節
度賊乘之陷東都令攷急歸罪攜奉帝西幸步出金光門至咸
陽沙野軍十餘騎呼曰巢為陛下除姦臣乘輿今西秦中父老
何望願還宮令攷叱之以羽林騎馳斬即以羽林白馬載帝盡

夜馳舍駱谷。時陳敬瑄方鄧度西川。令孜兄也。故請帝幸蜀。有詔以令孜為十軍十二衛觀軍容制。置左石神策。護駕使至成都。進左金吾衛上將軍。兼判四衛事。封晉國公。帝見蜀阻陋。稍鬱鬱。日與嬪侍博飲。時時環袂北望。怡然流涕。令孜伺間。開釋呼萬歲。帝為怡悅。因盛稱鄭畋王鐸程宗楚李鋌敬瑄。方并力賊不足虞。帝曰。善。初成都募陳許兵三千。服黃帽。名黃頭軍。以捍衛。帝至。大勞將士。扈從者已賜而不及。黃頭軍皆竊怨。令孜令孜置酒會諸將。以黃金樽行酒。即賜之。黃頭將郭琪不肯飲。曰。軍容能易偏惠。均衆士誠大願也。令孜目曰。君有功。邪。答曰。

戰靈項薄契丹數十戰此項之功令孜善怒曰知之密以配注
酒中項飲已馳歸殺一婢吮血得解因夜燒營剽城邑敬瑄討
敗之奔廣都遂走高駢所帝聞安與令孜保界城自守群臣不
得見左拾遺孟昭圖請對不召因上疏極諫居興臣一休相成
安則同樂危則共難昔日西幸不告南司故宰相獨足中丞京
兆尹悉碎于賊唯兩軍中尉以危來興得全今百官之在者率
冒重險出百死者也昨昔黃頭亂火照前殿陛下唯與令孜閉
城自守不召宰相不謀群臣欲入不得求對不許且天下
者高祖太宗之天下非北司之天下陛下周九州天子非北司

之天子。北司豈忠於南司。廷臣豈無用於敎使。太宗時。宮中夾左右巡使不到。皆被顯責。安有天子播越而宰相無所豫。群司百官。彙若路人。已事誠不足諫。而取者莫可追也。疏入。令攷還。不奏。矯詔貶昭國。嘉州司戶。亦軍使入。沉于墓。願初昭國知正言必見害。謂家隸曰。大盜未殄。宦豎離間君臣。吾以諫為官。不可坐觀覆亡。疏入。必死。而能收吾骸乎。隸許諾。卒葬其尸。朝廷痛之。賊平。令攷以王鐸為僞臣。且無功。而首謀召沙陀者。楊復光也。欲歸重北司。故罷鐸都統。以復光功第一。又忌復光且逼已。故薄其賞。自惟^有能決勝繫王室輕重。出入倨甚。會復光死。大

單于帝夜亂羊水遂次陳倉克用還河中致畏克用且偏與重
崇運章請誅令攷而駐鳳翔令攷請帝幸興元帝不從令攷以
兵入寢殿逼帝夜出群臣無知者宰相蕭遘等皆不及從攷勸
興元鄧度使石君涉焚閣道絕帝西意遘惡令攷劫質天子生
方鎮之難使攷進迎乘輿攷引兵追行在敗興鳳楊晟軍帝次
梁洋稍引而南攷兵及中營左右被剽戮者不勝計令攷懼人
圖己蒙面以行使王建長劔五百清道囊傳國璽授之次大散關
道險澀帝危及難數矣分軍守靈壁元進兵攷長驅蹕帝帝以
閣道毀走他道困甚祝王是勝且寐覺而斂僅能至興元攷重

帶表誅令孜。安慰群臣。詔以令孜爲劔南監軍使。留不去。重榮請幸河中。令孜沮而止。宰相道率群臣在鳳翔者。表令孜謂國燬禍感。小人計交亂。群帥請誅之。帝不及省。且詔重榮餉糧十五萬斛。給行在重榮。以令孜在不奉命。孜乃奉嗣襄王煚。卽僞位。致敗。帝乃得還京師。始帝入蜀。諸王徒以從。壽王至斜谷。不能進。令孜驅使前。王嫌足且拘得馬可濟。令孜怒。扶王彊之行。王耻之。及帝病。中外屬壽王。令孜入侯。帝曰。陛下記王否。帝直視不能語。令孜自署劔南監軍使。閭拱宸奉鑾輦。自衛重夜馳入城。因表解官求醫藥。詔可。俄削官爵。長流儋州。然猶依蘇瑄。

不行王即位是為昭宗楊復恭代為觀軍容使出王建為壁州
刺史建取利州自署防禦使因略定閬中蜀黎雅等州詔即置
永平軍拜建節度使令致謀與建連衡元朝廷且曰吾子也若
召之建喜將至復卻之建怒進圍成都令致登城譟建曰老夫
久相厚何見困荅曰父子恩何敢忘顧父自絕朝廷苟改國則
父子如初令致曰吾欲面計事建然許令致夜負印節投建明
日入成都囚令致碧雞坊始石神策統軍宋文通為諸軍所疾
令致回事召見欲殺之既見乃欣然更養為子名彥賓即李茂
貞也故獨上書雪其罪詔為湖南監軍凡二歲與致盡同日死

臨刑裂帛為紐。授行刑者曰。吾嘗位十軍客。殺我庸有禮。因赦
誅人法。既死而色不變。乾寧中。詔復官爵。

論曰。曰。今政以允放之資。際冲獻之主。重權在握。威福任情。
交亂強藩。劫制天子。至於倉皇播越。而猶假三諫臣以箚天
下。天下可盡籍。猶子卒之將相交論。而烈帛受誅。則生平所
為。作威作福者。祇足以殺其軀而已矣。

三諫臣者。拾遺陳昌言。直學士。范杲。常。也。

歷代內侍考卷之九

拜集

唐

楊復恭

楊復恭字子恪本林氏子楊復光從兄也宦父玄翼咸通中領樞密世為權家復恭略步學術監諸鎮兵厯勛亂戰有功自河陽監軍入拜宣徽使擢樞密使黃巢盜京師令孜頡威福斷喪天下中外莫敢亢惟復恭屢與爭得失令孜怒下遷飛龍使復恭乃卧疾藍田僖宗出居興元復為樞密使制置經略多更其手車駕還遂代令孜為左神策中尉六軍十二衛觀軍容使封

魏國公實戶八百，賜號忠貞。啟聖定國功臣。帝崩，定策立昭宗，賜鐵券，加金吾上將軍，稍擴取朝政。帝嘗曰：朕不德，爾救立我矣。當減省侈長，示天下。我見故事，尚衣上御服，日一襲。太常新曲，日一解。今可禁止。復恭頓首稱善。帝遂問游幸費，對曰：聞懿宗以來，每行幸，無慮用錢十萬，金帛五車。十部樂工五百，犢車紅網，朱網，畫香車百乘，諸衛士三千。凡曲江溫湯，若畋獵，日大行，從宮中苑中，曰小行，從。帝乃詔類減半。於是宰相韋昭度、張濬、杜讓能等，為帝言：大中故事，抑宦官不假借。帝亦稍厭。復恭橫恣，王瓌者，惠安太后弟，求節度使。帝問復恭，對曰：產祿傾漢。

三思危唐后族不可封拜陛下誠受璽任以它職可也不宜假節外藩恐負勢颺地不可制帝乃止璽聞怒甚至禁中見復恭詬辱之遂居中任事復恭不欲分己權白為黔南節度使道興元而兄守子亮方領節度陰勒利州刺史覆璽舟于江宗屬賓客皆死以舟自敗聞帝知復恭謀繇是深銜之復恭以諸子為州刺史就外宅郎君又養子六百人監諸道軍天下威勢無歸其門守立為天威軍使本胡弘立也勇武冠軍人畏之帝欲斥復恭懼為亂乃好謂曰卿家胡子安在吾欲令衛殿內復恭以守立見帝賜姓李名順節使掌六軍管鑰光寵甚既勢鉤遂與

復恭爭恨相中傷暴發其私復恭常有與抵太極殿宰相對延
英論叛臣事孔緯曰陛下左右有將反者帝矍然緯指復恭復
恭曰臣豈負陛下者緯曰復恭陛下家奴而有與至前殿廣樹
不逞皆姓楊非反邪復恭曰欲收士心輔天子帝曰誠欲收士
心胡不假李姓乎復恭無以對會緯出守江陵乃使人劫之長
樂坡斬其旌節貲財皆盡緯僅免復恭子守貞為龍劍節度使
守忠洋州節度使皆自擅貢賦上書訕薄朝政大順二年罷復
恭兵出為鳳翔監軍不肯行因丐致仕詔可遷上將軍賜几杖
使者還遣腹心殺使者於道適居南山俄入居西化坊第第近

王山警守信為軍使數省侯出入或告父子且謀亂時順節遣
領鎮海軍節度使同中書門下平章事詔與神策軍使李守節
率衛兵攻復恭治赦使者罪帝御延喜樓頒之家人拒戰守信
亦率兵至昌化里陣以待會日入復恭與守信舉族出奔遂走
興元順節已斥復恭則橫暴出入以兵從兩軍中尉劉景宣西
門重逐察其意非常以狀聞有詔召順節輒以甲士三百人入
至翠臺門訶止之景宣引順節坐殿廡郛村嗣光審出斬之從
者大譟出延喜門剽永寧里盡夕止賈德晟與順節皆為天威
軍使順節誅頗嗟憤重遂亦奏誅之於是鳳翔李茂貞邠州王

行瑜華州韓建同州王行約秦州李茂莊同勅守亮納叛臣請
出兵討罪軍饟不仰度支茂貞請假山南招討使官尹愔襲執
不可帝亦謂茂貞得山南必難制詔兩解之茂貞劾復恭自謂
隋諸孫以恭帝禪唐故名復恭達狀明白且請削守亮官爵遂
擅與行瑜出討自號興元節度使詔宰相書悖慢不臣帝為下
詔令茂貞行瑜討之景福元年破其城復恭守亮守信奔閬州
茂貞以子繼守密與元詔吏部尚書徐彥若為鳳翔節度使而
以茂貞帥興元不拜請繼密為留後帝不得已授以節度使自
是茂貞始疆大復恭與守亮等自閬州將北奔太原趙商山至

乾元為韓建邏士所禽。即斬復恭。守信檻車送守亮京師。梟首長安市。茂貞上復恭與守亮書曰。承天門者。隋家舊業也。兄但積粟訓兵。何進奉為吾披荆榛。立天子。既得位。乃廢定策國老。奈貞心門生何。門生謂天子也。其不臣類此。假子彥博奔太原。收葬其尸。李克用為申雪。詔復官爵。

論曰。承天門雖隋家舊業。而楊復恭非隋氏諸孫也。李茂貞前後所言似不足信。惟是后弟廢於江。詔使戕於路。則誰寔尸之哉。況興元拒禽。自為戎首。即不如茂貞言。亦安所逃。無將之戮乎。雖然。向微激於張濬。或亦不至於此。信乎。端揆重。

地必非小有才者所能据也

楊守亮

本名

守亮守信即嘗信亮茅也為復恭假子

劉季述

附王仲先

劉季述者本微單稍顯於僖昭間擢參樞密使楊復恭之斥帝以西門重遂為右神策軍中尉觀軍容使時李茂貞得興元愈跋扈不軌宰相杜讓能與內樞密使李周謹及重遂謀誅之乃興師以嗣覃王戒丕為京西招討使神策大將軍李鐵劄之茂貞引兵迎辟盤屋薄與平王師潰遂逼臨臯以陣暴言讓能等罪京師震恐帝坐安福門斬重遂周謹以誅茂貞更以駱全瓘劉景宣代為兩中尉乾寧二年茂貞與王行瑜韓建以兵入朝李克用率師討茂貞次渭北同州節度使王行實奔京師謂景

宣等曰沙陀十萬至矣請奉天子出幸避其鋒景宣方與茂貞
睦故全瓏與鳳翔衛將閻圭共脅帝行岐王行賢及景宣子經
晟縱火剽京市帝登承天門矢著樓閣帝懼暮出莎城士民從
者數十萬至谷口入喝死十三夜為盜掠哭聲殷山徒駐石門
茂貞恐乃殺全瓏景宣及圭自解天子還京師以景務脩守道
弼代之俄專國軍相崔胤忠之徐彥若王搏懼禍不解稍抑胤
以和北軍胤怒劾搏黨官豎不忠罷去依賜死流道弼驩州務
脩愛州並死滿橋逐彥若于南乃以李述王仲先為左右中尉
疾胤尤甚時帝嗜酒怒責左右不常李述等愈自危先是王子

病。季述引內醫工車環謝筠，久不出。季述等共白帝，官中不可
妄處。帝不納。詔著籍不禁。由是疑帝與有謀。乃外約朱全忠
為兄弟，遣從子希正與汴邸官程巖謀廢帝。會全忠遣天平節
度副使李振上計京師。巖因曰：「主上嚴急，內外惴恐。左軍中尉
欲廢昏立明，若何？」振曰：「百歲奴事三歲郎主，常也。亂國不義，廢
君不祥，非吾敢聞。」希正大沮。帝夜微服中，醉殺侍女三人。明日
午漏上門不啟。季述見亂，曰：「官中殆不測。」與仲光率王彥範、薛
奔、侄李師虔、徐彥回、總衛士千人毀闥入，謀所立未決。是夜，宮
監竊取太子以入。季述等司矯皇后令，曰：「車譟謝筠勸上殺人。」

襍處穴咎皆大不道兩軍軍容知之令立皇太子以主社稷黎
明陳兵走中謂宰相曰上所為如此非社稷主今當以太子見
群臣即召百官署奏胤不得對季述衛皇太子至紫廷院左右
軍及十道邨官俞渾程巖等詣思玄門對請士皆呼萬歲入思
政殿遇者皆殺帝方坐乞巧樓見兵入驚墮於牀將走季述仲
光持帝坐以所持鉞杙畫地責帝曰某日某事爾不從我罪一
也至數十未止皇后出徧拜曰護大家勿使怖若有罪唯軍容
謀季述出百官奏曰陛下督倦于勤願奉太子監國陛下自顧
東宮帝曰昨與而等飲甚樂何至是后曰陛下如軍容語官監

掖帝出思政殿后倡言曰軍容一心輔持請上養疾帝亦曰朕
久疾令太子監國巖等皆呼萬歲后以傳國寶授李述就帝輦
左右十餘人入囚少陽院李述液金以金以完錡師虔以兵守
太子即位於武德殿帝號太上皇皇后為太上皇后大赦天下
東宮官屬三品賜爵一級四品以下一階天下為父沒者爵一
級群臣加爵秩厚賜款媚附上下改東宮為問安宮李述等皆
先誅戮以立威夜鞭笞盡出尸十輩凡有寵於帝悉榜殺之殺
帝弟睦王師虔尤苛察左右出入搜索天子動靜輒白李述帝
衣盡服夜沉食自賁進下至紙筆銅鐵疑作詔書兵器皆不與

方寒公主嬭御無衾纈哀聞外廷胤告難於朱全忠使以兵除
君則全忠封胤者與李述曰彼嗣復宜圖之李述以責胤胤曰
姦人爲書從古有之必以爲罪請誅不及族李述易之乃與盟
胤譏全忠曰左軍與胤盟不相害然僕歸心於公并送二侍兒
全忠得書恚曰李述使我爲兩面人自是始離李述子希度至
汴言廢立不計又遣李奉本獻示太上皇詰全忠孤疑不決李
振入見曰豎刁伊戾之亂以資霸者今閹奴坐劫天子公不討
無以令諸侯乃囚希度奉本遣振至京師與胤謀是時李述歆
盡誅百官乃弒帝決天子令天下都將孫德昭董從實盜沒錢

五千緡仲光衆辱之督其賞株連甚衆亂間其不逞曰能殺兩
中尉迎太上皇而立大功何小罪足羞又遣客密告德昭割帶
內密凡通意德昭邀別將周承誨期十二月晦伏士安福門待
旦仲光衆肩輿造朝德昭等劫之斬東宮門外叩少陽院呼曰
逆賊斬矣帝疑未信皇后曰可獻賊首德昭擲仲光頭以進宮
人毀扉出御長梁門群臣稱賀承誨馳入左軍執李述彥範至
樓前胤先戒京兆尹鄭元規集萬人持大旗帝詰李述未已萬
挺皆進二人同死挺下遂尸之兩軍支黨死者數十人申官奉
太子遁入左軍收得國璽齊僊死井中出其尸斬之全忠懿送

嚴京師。斬于市。李述等夷三族。以德昭檢校太保。靜海軍節度使。從是檢校司徒。容管度節使。並同中書門下平章事。賜氏李曰繼昭。曰彥弼。承勣亦檢校司徒。管鄆度使。視宰相秩。奇號扶傾濟難。忠烈功臣。圖形浚煙閣。留宿衛。凡十日乃休。竭內庫珍寶賜之。當時號三使相。人臣無比。初。延英宰相奏事。帝平可否。樞密使立侍。得與聞。及出。或稱上旨。謂未然。數改易撓權。至是。詔如大中故事。對延英。兩中尉先降樞密使候旨殿西。宰相奏事已畢。案前受事師度。請於屏風後錄宰相所奏。帝以侵官不許。下詔與徐彥回同誅。

論曰唐室閔尹當劉李述時月已逾於幾望而操弓挾矢也
群然睥睨於高牆之側矣猶弗少戢而壯是務用至敢顛廢
立而幽君父是自速其禍也焉挺俱進聊足以紓一時之忿
云

孫德昭賜姓名李德昭
並從實賜姓名李彥屬

韓全誨 張彥弘

韓全誨、張彥弘者，皆不知所來，並監鳳翔軍。全誨入為內樞密，使劉季述之誅崔胤、陸扆，見武德殿右廡。胤曰：「自中人與兵，王室愈亂。」臣請神主策左軍以扆主右，則四方藩臣不敢謀。昭宗意不決。李茂貞語人曰：「崔胤奪軍權未及，志滅藩臣矣。」帝聞，召李繼昭等問以胤所請奈何。對曰：「臣世世在軍，不聞書生主衛兵，且罪人已得，持軍還北司，使帝謂胤曰：『議者不同。』勿庸主軍，乃以全誨為左神策中尉，彥弘為右，皆拜驃騎大將軍。袁易簡、周敦容為樞密使。胤怒，約京兆鄭元規遣人狙殺之，不克。全

誨等知亂必除已乃已因諷茂貞留選士四千宿衛以李繼筠
繼徽總之亂亦諷朱全忠內兵三千居南司以要敬恩鎮之韓
偓聞岐汴交戍數諫止亂亂曰兵不肯去耳偓曰初何為召都
亂不對談者知京師不復安矣全誨彥弘及彥弼合勢怒暴中
官倚以自驕帝不平有斥逐者皆不肯行亂固請盡誅之全誨
彥弘見帝祈哀帝知左右漏言始詔囊封奏事宦人更求麗姝
知書者數十人侍帝為內詔由是亂計多露始張濬判度支楊
復恭以軍資乏奏假鹽趙一歲入以濟用度遂不復還至亂乃
白度支財盡無以稟百官請如舊制全誨趙李繼筠訴軍中隱

其請割三司隸神策。帝不能却。詔罷胤領鹽鐵。胤銜之。全誨等懼帝誅已。與繼誨彥弼繼筠交通謀亂。帝問令狐渙。渙請召胤及全誨等宴內殿和解之。韓渥謂不如顯斥一二柄臣。許餘人自新。妄謀必息。不然。皆自疑禍且速。雖和解之。凶焰益肆。帝乃止。是時全忠并河中。胤為急詔令入朝。又詔書曰。上反正。公之力。而鳳翔入朝。引功自歸。今若後至。必見先討。全忠得詔。還汴。悉師討全誨。帝以為忠。又欲其與茂貞同功。即詔并力。令胤詔一鎮書示帝意。全忠取同州汴兵凡七萬。威震關中。全誨等泣奏曰。全忠且至。欲脅陛下。幸關東將謀得禪。臣不忍見高祖天

下移它姓。頭至鳳翔，合義兵討元惡。帝未許，方在乞巧樓。全誨急，即火其下。帝下樓，乃決西幸。彥弼等以帝未即駕，愈諫宮中。禁索苛亟，帝與后相視泣。宮人私逃出都，民崩涕。或奔開化坊，依胤第，自固閉，無留家。鳳翔軍與左神策兵陣大衢，長樂門外。若丘墟然。於是日南至，百官不朝。帝坐思政殿，時彥弼先入鳳翔。全誨逼帝出，惟皇后諸王數百騎為衛。帝繡袍塗金帽，以右神策軍從。賈天復元年十一月壬子，全誨等遂火宮城。繼誨彥弼欲劫百官從天子。李德昭等按兵衛之，乃得免。戎貞以帝居盤居，全忠取華州，下令自釋曰：「吾被詔及得宰相書，令入朝，既

至皆偽也。逆臣全誨震驚天子，脅乘輿出逃。暴露草莽，吾當入對言狀。時公卿皆在長安，數日不聞朝廷救書。胤使王溥見全忠曰：上猶盤_在屋，公宜亟進。群臣盧知猷等奏記全忠，請西迎天子。荅曰：進則似脅君，退則負國。然敢不勉。胤率百官迎全忠，灞橋入舍。長安一昔而西。茂貞聞全忠至，以帝入鳳翔。從臣纔三四入，全忠遣楊達、裴鐸入鳳翔奉表天子。汴部將康懷英、龔破李繼昭于武功，禽虢六千級。全誨懼，請救於李克用。克用遣全忠書勸執崔胤，洗海內謗。全忠不答。進屯鳳翔。東偏，茂貞登城諭語曰：天子厭災于此，讒人誤公。公當入覲。全忠曰：官官有

驚乘輿。吾以兵問罪。迎上東還。王非同謀者。尚何所言。明日。國
鳳翔。茂貞不出。帝遣中人詔全忠班師。不奉詔。使者再往。全忠
聽命。引兵攻邠州。李繼徽嬰城三日。乃降。貞其妻復使繼徽守
回鶻三原。胤與鄭元規至三原。邀說全忠。全忠亦有聞。茂貞將
戰。徙營渭北。據高原。戰不勝。全忠夜入。盩厔。拔藍田。復屯三原。
時李克用攻慈隰。救鳳翔。全忠還河中。克用部將李嗣昭戰數
不利。全忠取晉汾二州。嗣昭遁還河東。全忠曰。此茂貞所倚。今
敗矣。何能久乎。胤復說全忠曰。宦豎謀擁帝入蜀。且泣。全忠執
其手。乃定計。迎天子。會朱友寧敗岐兵于莫父。居人皆入保。全

忠以精甲五萬與茂貞決戰岐兵敗仆尸萬餘茂貞祇下八百人
就縛乃嬰城自戕訖冬兵連不能解勝敗略相償援軍十餘
鮮數為全忠優獎不進城中日困全忠由是取鳳郿坊成隴等
州間叔鈔以佐軍餉故能不乏茂貞疑帝與全忠有密約增甲
士守宮殿初帝至鳳翔有鴉數萬棲殿樹謂之神鴉俄而鴉不
來人以為恐全誨等小人既勢窘更相怨疾不復遠慮時財用
窶短帝輟所御膳賜全誨等三讓帝曰難得時欲同味耳茂貞
食鮮美帝曰此浚池魚茂貞曰臣養魚以候天子聞者皆駭於
是全忠軍攻東城焚橋壓戰部將李繼寵出降茂貞懼密圖誅

中官以舒難先遺書禍亂之生全誨肯之變興倉卒故迎天子至此且公示至懼之盜馮茂公既志朝社稷請奉乘輿還宮僕頭以救賊從全忠然許然軍稍薄城大譁者三岐軍皆投壑無門意帝召茂貞全誨彥弼及宰相蘇檢李繼岌繼忠謀和已決中官復沮罷它日帝召茂貞等曰十六宅諸王日奏餞死者十三王公主夫人皆間日食今又將竭奈何皆不敢對有衛士十餘人叩左銀臺門遮全誨罵曰破一州餓死者十萬徒以軍容數入耳全誨詣茂貞叩頭訴茂貞謝曰士伍亦何知復訴于帝帝不許李繼昭見全誨曰昔楊軍容破楊守亮一族今驃騎復

破吾族乎。罵之乃出降。宦豎數傳援軍至。皆相賀。百姓笑曰。詔我乎。是時全忠合四鎮兵十餘萬。營壘相屬。晝夜攻外兵。詔守者曰。劫天子賊。守者亦詔外兵曰。奪天子賊。諸鎮見崔胤檄。皆狐疑不出師。唯青州節度使王師範取兗州。襲州。華李克用攻晉州。以爲援。全忠懼。國益急。全誨等素諂諛。常爲全忠胤所憚。乃請先殺之。以迎天子。帝既急宦人脅遷。而茂貞又其黨。全忠雖外示順。終悖逆。皆不可倚。欲狩襄漢。依趙匡凝。然不得去。乃定計歸全忠。以紓近禍。三年正月。茂貞請遣使諭全忠。單詔崔構。挾中人郭遵誨往。既行。又命宮人麗顏馳見全忠。諭密旨。乃

以蔣玄暉入衛二日，茂貞獨見。至日，旰食不能寐，自見勢去，計無所用，垂頭喪氣。帝召韓偓見東橫門，執手涕泗，帝曰：「今先去四大惡，餘以次誅矣。」於是內養八輩候廷中授命，每二輩以衛士十人取一首，俄而全誨、彥弘、易簡、敬容皆死。即詔第五可範為左軍都尉，王知古、楊虔朗為樞密使，知古領上院，虔朗領下院。繼筠、繼誨、彥弼皆伏誅。茂貞取其輜重，是夜誅內諸司使韋處廷等二十二人，悉以首內布囊。詔將玄暉、學士薛昭規送全忠曰：「是皆不肯使乘輿東者，既斬之矣。」全忠大喜，徧告軍中，以姦消為岐汴通和使。全忠詔茂貞書曰：「室」

者乘陣誓不已。曰：「稟王旨，是乎？」茂貞懼，復誅小使李維彝等十人。於是開壘門，全忠猶攻北壘。帝遣寵顏御賜巾箱寶器，使罷兵。又捕殺中官七十人。全忠亦使京兆誅黨與百餘人。天子入全忠軍，全忠沉首素待罪，容省傳呼徹三伏，有詔釋全忠罪，使朝服見。全忠伏地泣曰：「老臣位將相，勤王無狀，使陛下及此，臣之罪也。」帝亦嗚咽，命韓偓起之，解玉帶以賜，召之食。帝顧衛兵或有噴發者，因履解，目全忠為吾繫之。全忠跪結履，汗浹于背。而左右莫敢動。是夜，帝三召皆辭。朱友倫以兵衛帝，李克用引軍去。帝還京師，胤全忠諫盡誅第五可範等八百餘人。於侍

省哀號之聲聞於路留軍弱數十人偸宮中灑掃胤以鎮入性
謹厚即第王鎔擇五十人為敕使內諸司宦官主領者皆罷於
是追諸道監軍所在賜死其財產籍入之詔以中官脅遷狀及
全忠迎乘輿未告方鎮罷監軍院咸視國初故事以三十人
為員衣黃衣不得養子內諸司皆歸省若寺兩軍內外八鎮兵
悉屬六軍全忠還汴州帝以第五可範等無辜頗悼之為文以
祭自是宣傳詔命皆以宮人始劉李述專廢立中人皆與聞帝
反正誅李述及薛平僅數族而已餘貸不問又悔之後稍稍誅
夷群臣寢不安時帝懲幽辱能勵心底政故召見群臣間治道

有志中興而全誦胤爭權外召疆臣劫本朝以相吞齧卒用關
東軍窮討暴誅君側雖清而全忠勢遂張帝卒弒死唐室以亡
其禍本於全誦彥弘矣

論曰崔胤受父秘記溪姦中官必欲盡除之以快其意勢不
得不假外兵外兵入而唐祚殺矣嗟嗟緇郎詎獨有壞其門
戶已邪更臣悲漢唐之季亂亡一撤而推本於人謀洵刺夫
使小人當國則其謀永有不洩利者也故易曰鼎折足覆公
餗其形渥凶論相者尚三復焉

李繼超即周承超與李繼昭李彥獨同時賜姓名者也

歷代內侍考

五代

後唐

張承業 張居翰

張承業字繼元唐僖宗時宦者也。本姓康。幼閹。為內常侍。張承
養子。晉王兵擊王行瑜。承業數往來兵間。晉王喜其為人。及昭
宗為李茂貞所迫。將出奔太原。乃先遣承業使晉。以通意。因以
為河東監軍。其後崔胤誅宦官。宦官在外者悉詔所在殺之。晉
王憐承業不忍殺。匿之斛律寺。昭宗崩。及出。承業復為監軍。晉

王病且革以莊宗屬承業曰以亞子累公等莊宗常兄事承業
歲時昇堂拜母甚親重之莊宗在魏與河戰河上十餘年軍國
之事皆委承業承業亦盡心不懈凡所以畜積金粟收市兵馬
勸課農桑而成莊宗之業者承業之功為多自貞簡太后韓德
妃伊叔妃及諸公子在晉陽者承業一切以法繩之權貴皆歛
手畏承業莊宗歲時自魏歸省親須錢蒲博貴賜伶人而承業
主藏錢不可得莊宗乃置酒庫中酒酣使子繼茂為承業起舞
舞罷承業出寶帶幣為贈莊宗指錢積呼繼茂小字以語承業
曰和哥之錢可與錢一積何用帶馬為也承業謝曰國家錢非

臣所得私也。莊宗以語侵之。承業怒曰。老臣敎使非為子孫計。惜此庫錢。佐王成霸業。爾若欲用之。何必問臣。財盡兵散。豈獨臣受禍也。莊宗顧元行欽曰。取劍來。承業起持莊宗衣而泣曰。臣受先王顧託之命。誓雪家國之讎。今日為王惜物。庫而死。死不愧於先王矣。閻寶從旁解承業手令去。承業奮拳毆寶。踣罵曰。閻寶朱溫之賊。蒙晉厚恩。不能有一言之忠。而反謫誤。自容邪。太后聞之。使召莊宗。莊宗性至孝。聞太后名甚懼。乃酌兩卮。謝承業曰。吾杯酒之失。且得罪太后。願公飲此。為吾分過。承業不肯飲。莊宗入內。太后使人謝承業曰。小兒忤公。已言之矣。明

日太后與莊宗俱遇承業第慰勞之。盧質嗜酒傲忽。自莊宗及諸公子多見侮慢。莊宗深嫉之。承業乘間請曰。盧質嗜酒無禮。臣請為王殺之。莊宗曰。吾方招納賢才。以就功業。公何言之過也。承業起賀曰。王能如此。天下不足平也。質因以獲免。天祐十八年。莊宗已諾諸將。即皇帝位。承業方卧病。聞之。自太原肩輿至魏。諫曰。大王父子與梁血戰三十年。本欲雪家國之讎。而復唐之社稷。今元兇未滅。而遽以尊名自居。非王父子之初心。且失天下望。不可。莊宗誅曰。此諸將之所欲也。承業曰。不然。梁唐晉之仇賊。而天下所共惡也。今王誠能為天下去大惡。復列聖之

深憐然後求唐後而立之使唐之子孫在孰敢當之使唐無子
孫天下之士誰可與王爭者臣唐家一老奴耳誠願見大王之
成功然後退身田里使百官送出洛東門而令路人指而歎曰
此本朝敕使先王時監軍也豈不臣主俱榮哉莊宗不聽承業
知不可諫乃仰天大哭曰吾主自取之悞老奴矣肩輿歸太原
不食而卒年七十七同光元年贈左武衛上將軍諡曰正憲

張居翰字德卿故唐掖廷令張從玖之養子昭宗時為范陽軍
監軍與節度使劉仁恭相善天復中大誅宦者仁恭匿居翰大

安山之北谿以免其後梁兵攻仁恭仁恭遣居翰從晉王攻梁潞州以牽其兵晉遂取潞州以居翰為昭義監軍莊宗即位與郭崇勳並為樞密使莊宗滅梁而驕宦官因以用事郭崇勳又專任政居翰默默苟免而已魏王破蜀王衍朝京師行至秦川而明宗軍變于魏莊宗東征慮衍有變遣人馳詔魏王殺之詔書已印畫而居翰發視之詔書言誅衍一行居翰以謂殺降不祥乃以詔傳柱指去衍字改為一家時蜀降人與衍俱東者千餘人皆獲免莊宗遇弒居翰見明宗于至德宮求歸田里天成三年卒于長安年七十一

論曰吾聞張留侯始終為韓承業豈其苗裔邪何矢心唐室之死而靡有它也嗟乎唐家養士三百餘年而孰意伏節殉義僅得之一摘棄之老奴哉居輸以一字活千人仁矣而不事明宗求歸田里豈徒默默苟免者乎夫此兩人當昭宗時濱死矣幸以匿免而其後皆足以自樹然則內侍有之誅誰謂無冤濫哉是故當國者權不可弛威亦不可竭先幾而杜諸微臨事而去其泰甚斯已矣

李從襲 馬紹宏

宦者李從襲莊宗供奉官也同光三年莊宗封長子繼岌魏王與郭崇韜將兵六萬伐蜀自出師至王衍降凡七十五日兵不血刃然繼岌雖為都統而軍政號令一出崇韜初莊宗遣從襲監中軍高品李廷安呂和柔為典謁從襲等素惡崇韜又見崇韜專任軍事益不平之及破蜀蜀之貴臣大將自王宗弼以下皆爭以蜀寶貨妓樂奉崇韜父子而魏王所得匹馬衣帛壺壺塵柄而已崇韜日決軍事將吏賓客趨走盈庭而都統府唯大將晨謁衙門閒然由是從襲等不勝其憤崇韜亦素嫉宦官嘗

謂繼岌曰王有破蜀功師旋必為太子俟主上千秋萬歲後當
盡去宦官至於扇馬亦不可騎從襲等聞此言皆切齒已而宗
弼率蜀人見繼岌請留崇勳鎮蜀從襲等因言崇勳有異志勸
繼岌為備繼岌謂崇勳曰陛下倚侍中如衡幸尊之廟堂之上
期以一天下而制四夷必不棄元老於蠻夷之地此事非予敢
知也莊宗聞崇勳欲留蜀亦不悅遣宦者向延嗣趙繼岌班師
延師至成都崇勳不出迎及見禮益慢延嗣怒從襲等因告延
嗣崇勳有異志恐危魏王延嗣還具言之劉皇后涕泣請保全
繼岌莊宗遣宦官馬彥珪往視崇勳去就是時兩川新定孟和

祥未至所在盜賊亡聚山林崇勳方遣任圜等分出招集恐後
生變故師未即還而彥珪將行見劉皇后曰臣見延嗣言蜀中
事勢已不可禍機之作間不容髮安能三千里往復稟命乎劉
皇后以彥珪語告莊宗莊宗曰傳言未審豈可使令果決皇后
不得請因自為教與繼岌使啟崇勳明年正月崇勳留任圜守
蜀以待知祥之至崇勳期班師有日彥珪至蜀出皇后教示繼
岌繼岌曰今大軍將發未有幟端豈可作此負心事從襲等泣
曰今有密敕王苟不行使崇勳知之則吾等無類矣繼岌曰上
無詔書徒以皇后手教安能啟招討使從襲等力爭繼岌不得

已而從之。詰旦，從襲以都統命召崇勣。繼茂登樓以避之。崇勣
入，升階。繼茂從者李環，搥碎其首。繼茂逐班師，至興平。聞明宗
反，兵入京師。繼茂欲退保鳳翔，至武功，從冀勸繼茂馳趨京師，
以救內難。行至渭河，西都留守張錢斷浮橋。繼茂不得渡，乃循
河而東，至渭南。左右皆潰。從冀謂繼茂曰：「大事已去，福不可再。」
王宜自圖。繼茂徘徊泣下。久之，面榻而卧。令李環縊殺之。
宦者馬紹宏嘗與郭崇勣俱為中門使，而紹宏位在上。及莊宗
即位，二人當使樞密使，而崇勣不欲紹宏在己上，乃以張居翰
為樞密使，紹宏為宣徽使。紹宏失職，怨望崇勣，因置內勾使以

紹宏領之天下錢穀出於祖庸者皆經內勾既而文簿繁多州縣為弊遽罷其事紹宏兀側目崇勲因請立罷妃劉氏為皇后以自固劉皇后卒殺崇勲明宗自鎮州入覲奉朝請于京師莊宗頗疑其有異志陰遣紹宏伺其動靜紹宏反以情告明宗明宗之反紹宏啟之也

論曰郭崇勲兵驕貨固宜不得其死然崇勲不死明宗猶虞西顧而莊宗或可恃以無恐豈遂至狼狽而失據乎故崇勲之首方碎明宗之騎已前繼岌間弱孺子縱浮橋不斷勢亦安得復生也嗚呼諛殺大臣逼喪元子如從襲者雖服上

刑不足以盡其辜矣。馬紹宏見信於莊宗而奉命不忠，輸情所忌，罪寧減從製子弟，不知明宗誦誅閹宦時，此輩得免刑，儻否耳。向延嗣禦得於王衍而喪員於張鐸，天道好還，乃爾哉。崇勳子廷誨。

同光四年二月己丑，宣徽南院使李紹宏為樞密使，此即馬紹宏，賜姓李也。

楊希望

楊希望，莊宗平盧監軍也。鄆度使符習以鎮兵討趙在禮，習未至魏而明宗兵變，習不敢近。明宗遣人招之，習見明宗於胙縣。希望聞習為明宗所召，乃以兵圍習家屬，將殺之。指揮使王公儼素為希望所信，紹希望曰：「內侍盡忠朝廷，誅反者，家族孰敢不效命？宜分兵守城，以虞外變。」習家不足慮也。希望信之，乃悉分其兵守城。公儼因擒希望，斬之。習家屬由是獲免。而公儼因自求為鄆度使。明宗以房知溫代習鎮平盧，拜公儼登州刺史。公儼不時承命，知溫擒而殺之。習復鎮天平。

論曰。楊希望忠矣。而闇於事機。卒為王公儼所愚。以死惜哉。
然事雖未成。而其心則可無媿也。故持表而出之。以風來世。

孟漢瓊

孟漢瓊明宗宣徽使也明宗晚而多病王淑妃與漢瓊出納左右遂專用事未弘昭馮贇並掌機務於中大事皆決此四人初安重誨討關西漢瓊自行營還曰言重誨過惡遂罷重誨重誨旋見殺長興四年十一月明宗幸土和亭得疾秦王從營入問起居帝疾甚不能知人既出而聞哭聲以謂帝崩矣乃謀以兵入宮弘昭贇等方圖其事議未決漢瓊入見明宗言秦王反即以兵誅之明宗聞秦王已死悲咽幾墮於榻越六日而崩弘昭贇遣漢瓊至魏召秦王從厚入立是為愍帝而留漢瓊權知後

事明年正月漢瓊請入朝弘昭贊乃議從成德范延光代漢瓊
北京留守石琚瑋代延光鳳翔路王從珂代琚瑋三人者皆唐
大臣以漢瓊故輕易其地又不降制書第遣使者監其上道從
珂由此遂反兵已東愍帝大懼急召弘昭計事弘昭乃自投于
井安從進亦殺瓊于家愍帝奔于衛州漢瓊西迎廢帝于潞廢
帝惡而殺之廢帝即路王從珂也

論曰五代時有石昂者為鄆度使符習所重乃為臨淄令習
朝京師監軍楊彥朗知留後事昂以公事至府上謁彥朗贊
者以彥朗父諱石更其姓曰佑昂責彥朗曰內侍奈何以私

害公昂姓石非石也。彥朗大怒拂衣起去。昂即趨出。解官歸。謂其子曰。吾本不欲仕亂世。果為刑人所辱。子孫其以我為戒。當明宗已病。從榮禍起有端。而朱弘昭馮贇不能見裁。而作顧反。依阿婦寺。入堯樞機。殺從榮。立愍帝。侈然自以為功。而不知坐席未溫。身已僂死。為天下笑。夫非萬世之炯戒哉。若孟漢瓊者。則足以殺其類而已矣。

趙

李弘規

趙王王鎔驕於富貴又好左道鍊丹藥求長生與道士王若訥
留游西山每出逾月忘歸任其政於宦者宦者石希蒙與鎔同
卧起天祐十八年冬鎔自西山宿鵲營莊將還府希蒙止之宦
者李弘規諫曰今晉王身自暴露以親矢石而大王竭軍國之
用為游畋之資開城空宮逾月不還使一夫閉門不納者從大
王欲何歸乎鎔懼促駕希蒙同止之弘規怒遣親事軍將蘇漢
衡率兵擐甲露刃於帳前曰軍士勞矣願從王歸國弘規繼而

進曰。惑王者希蒙也。請殺之。以謝軍士。銘不答。弘規呼甲士斬希蒙首。擲於銘前。銘懼。遽歸。使其子昭祚與大將張大禮。挾弘規。漢衡收其偏將下獄。窮究反狀。親軍皆懼。文禮誘以為亂。夜半。親軍千餘人。踰垣而入。銘方與道士焚香。受錄。軍士斬銘首。袖之而出。因縱火焚其宮室。遂滅王氏之族。

論曰。鬻拳兵諫。君子非之。薄昭親太后弟也。殺一漢使。文帝輒以法。蓋人臣無將。將而弗誅。其何以訓焉。石希蒙眩惑王鎔。佚遊忘返。李弘規之諫。突然一不見聽。而殿前客辭希蒙喪元。此漢法所必刑者也。且弘規本謀。豈真為王鎔盡忠計。

邪持以己與希蒙並侍左右而希蒙臥起獨視不勝慎故
乘機而剪之耳其與漢衡俱族非不幸也然法至於族止矣
而必欲窮究則羣心動搖即微張文禮親軍其無發難者乎
故曰入而不仁疾之已甚亂也微矣夫

前蜀

唐文宸 宋光嗣等

蜀王王建晚多內寵賢妃徐氏與妹淑妃皆以色進專房用事
交結宦者唐文宸等于與外政建年老昏耄文宸判六軍事無
大小皆決文宸初建以幽王宗輅貌類己信王宗傑于諸子最
材賢欲於兩人擇立為太子而鄭王宗衍最幼其母徐賢妃與
文宸教相士言行相最貴又諷宰相張格贊成之行由是得立
及建疾文宸以兵入宿衛謀盡去建故將故將大臣問建疾皆
不得入見久之王宗弼等排闥入言文宸欲為變乃殺之建因

以謂老將大臣多許昌故人必不為太子用思擇人未得而疾
急乃以宦者宋光嗣為樞密使判六軍而建卒太子立去宗名
衍平衍少荒淫委其政於光嗣光荐景潤澄王承休歐陽晃田曾
儔等而以韓昭潘在迎顧在珣嚴旭等為狎客起宣華苑苑有
重光太清延昌會真之殿清和迎仙之宮降真蓬萊丹霞之亭
飛鸞之閣瑞獸之門又作怡神亭與諸狎客嬾人日夜酣飲其
中嘗與太后太妃游青城山宮人衣服皆畫雲霞飄然望之若
仙乾德六年以王承休為天雄軍節度使天雄軍秦州也承休
以宦者得幸為宣徽使承休妻嚴氏有絕色衍通之安重霸狡

說多智善事人。是時深結承休。因勸承休求鎮秦州。衍遂以承
休為鄜度使。重霸為其副使。承休多取秦州花水獻衍。請衍東
游。衍亦以承休妻嚴氏故。十月幸秦州。群臣切諫不聽。衍至縣
谷。而唐師入其境。衍懼。遽還。留王宗弼守縣谷。還王宗勳。宗儼。
宗昱。率兵以拒唐師。宗勳等至三泉。望風退走。衍詔宗弼誅宗
勳等。宗弼反。與宗勳等合謀。送款於唐師。衍自縣谷還。至成都。
百官及後宮迎謁。七里亭。衍雜宮人作回鶻隊以入。明日御文
明殿。與其群臣相對涕泣。而弼亦自縣谷馳歸。登大玄門。收成
都尹韓昭。宦者宗光嗣。景潤。澄。歐陽見等殺之。函首送于繼成。

安重霸亦以計逐承休而以秦成階三州降于唐蜀遂亡

后太

太妃即徐
貴妃淑妃

論曰王建崛起屠販屢經戰陣始事楊復光為都頭繼屬田
令孜為假子復光猶知有朝廷而十軍阿父欺君誤國則建
所目擊者也奈何晚年昏于批晨而中官用事獨不鑒唐之
覆轍乎至為太子擇人而竟以宋光嗣當之夫衍驂孺子耳
彼見其父之簡任在此安得不信而委之以政也是故君子
創業垂統務為可繼斯善矣

南漢

龔澄樞

南漢主晟初名洪熙性剛忌不能任臣下而獨任其嬖倖宦官
林延遇官婢盧瓊仙內外專恣為殺戮晟不復省晟卒子鋹立
鋹尤惡以謂群臣皆自有家室顧子孫不能盡忠惟宦者親近可
任遂委其政於宦者龔澄樞陳延壽等至其群臣有欲用者皆
問然後用澄樞等既專政鋹乃與官婢波斯女等淫戲後宮不
復出有事延壽又引女巫樊胡子自言玉皇降胡子身鋹於內
殿設帳帷陳寶貝胡子冠遠遊冠衣紫霞裾坐帳中宣禍福乎

銀爲太子皇帝國事皆決於胡子盧瓊仙龔澄樞等爭附之胡子乃爲銀言澄樞等皆上天使來輔太子有罪不可問尚書左丞鍾允章參政事深嫉之數請誅宦官宦官皆不司大寶二年銀祀天南郊前三日允章與禮官祭壇四顧指麾宦者許彥真望見之曰此謀反耳乃拔劍升壇允章迎叱之彥真馳走告允章反銀下允章獄遣禮部尚書薛用丕治之允章與用丕有舊因泣下曰吾今無罪自誣以死固無恨然吾二子皆幼不知父冤俟其長公可告之彥真聞之罵曰反賊欲使而子報仇邪復入白銀并捕二子繫獄遂族誅之陳延壽謂銀曰先帝所以得

傳陛下者由盡殺群弟也。勸銀稍誅諸王。銀以為然。殺其弟桂王璘。興是歲。乾隆元年也。銀將邵廷璚言於銀曰。漢乘唐亂。居此五十年。幸中國有故。干戈不及。而漢益驕於無事。今兵不識旗鼓而入。主不知存亡。夫天下亂矣。久亂久而治。自然之勢也。今聞真主已出。必將盡有海內。其勢非一天下不能已。勸銀修兵為備。不然。悉珍寶奉中國。遣使以通好。銀情然。莫以為慮。惡廷璚言直。深恨之。四年。芝茵生宮中。野獸觸寢門。苑中羊吐珠。升旁石自立。行百餘步而仆。樊胡子皆以為符瑞。諷群臣入賀。五年。銀以宦者李元養女為貴妃。專寵。托為內師。太居中導政。

許彥真既殺鍾允章，惡龔澄樞居已上，謀殺之。澄樞使人告彥
真反，族誅之。七年，宋師南伐，克邵州，暨彥質、陸光國皆戰死。餘
眾退保韶州。銀鋹思走瑒，言遣瑒以舟兵出光口，抗宋師。會
師退，瑒訓士卒修戰備，嶺人倚以為良將。有譖者，殺無名書
言走瑒反。銀鋹遣使者賜死。九年，宋太祖詔李煜謝銀鋹，使病臣銀
鋹因煜使者龔慎儀。十三年，宋遣潭州防禦使潘美出師，師次
白霞。銀鋹遣龔澄樞守賀州，郭崇岳守桂州，李托守韶州，以備是
歲秋。潘美平賀州。十月，平韶州。又桂平州。十一月，平連州。銀鋹
喜曰：「韶、桂、連、賀，本屬湖南，今北師取之足矣，其不復南也。」其遇如

此開寶四年正月平英雄兩州銀將內侍潘崇徹先降師次灤
頭銀遣使和求緩師二月師度馬迺銀遣其石僕射蕭滄奉表
降滄行銀惶迫復令慙兵拒命美等進師銀遣其弟祥王保興
率文武詣美軍降不納慙澄樞李托等謀曰北師之來利吾國
寶貨爾焚為空城師不能駐當自還也乃盡焚其府庫宮殿銀
以海舶十餘悉載珍寶嬪御將入海宦官樂乾竊其舟以逃歸
師次白田銀素衣白馬以降銀初名絕興

論曰嗚呼劉銀間至此乎自古中端之忠於國也孰與朝紳
而銀槩疑有家室者必懷內顧然則當宋師之南澄樞守賀

州崇岳守桂州李托守韶州曾不能發一矢以抗敵而迎降者崇微竊逃者樂範皆銀鑿所謂無家室而親近可仕者也竟誰為銀盡忠者邪不亡又奚待焉抑聞諸先氏曾人或夢眾君子立于社宮而謀亡曹曹叔振鐸請待公孫疆為政其後曹伯陽立公孫疆為司城以聽政而曹亡南漢主嚴更名龔有胡僧言識書滅劉者龔也由是易龔為龔至銀而果用龔澄樞等以亡其國豈小人柄用固屬天意而人力無如之何邪抑亦世澤既斬而繼世者益以自作之孽故終不可違也夫曹之世澤猶遠耳劉隱之澤僅足沒身而龔為刀鋸之

解剗剔之刑毒於蛟蜃此豈長世之術哉況晟翦其支而鉅
又承之以閹縱微龍滄樞等國亦未有不亡者也昔秦始皇
罷天下以構胡而卒亡秦祚者近在胡亥然則滅劉之勢豈
即劉龔之龔與噫子孫不肖後世如鼠入牛角即龔亦茹其
亡矣徵興亡之故者又安可盡誣之天意哉

龔音倣

閩

林延遇

閩閩人林延遇者閩主娶南漢置國信所于漢使延遇主之南漢主數問以閩事終不對退謂人曰去閩語閩去粵語粵處人宮禁當如是子聞閩主死求歸不許素服向其國哭者三日論曰世降五季其匪人道哉路人視君傳舍視國者舉朝盡是而林延遇乃心居國以去閩語閩為耻豈梁琛之匹乎獨其初何以與宮婢比而專恣為殺戮也則其哭也亦許善心之哭故主耳為詐而已矣